

德化縣志卷第六

知德化縣事

高植原輯  
沈錫三補輯

鄒文炳再輯  
陳鼎續輯

津梁

太甯鄉

虎澌橋在社稷壇左俗誤虎溪

陸頃橋在府治西南

鳳凰橋在縣治左

南薰橋在南薰門外卽舊思賢橋萬曆癸丑年遷此

通津鄉

德化縣志

卷六

地理

津梁

一

清平橋在城西門外元至正間照磨陳應昌建跨甘棠湖

北久塞

思賢橋跨甘棠湖上爲思李渤建也明天順元年同知安

永覆以屋七間知府蘇致中趙祺謝峻童潮相繼修之

萬曆癸丑年遷南薰門外屋廢國朝乾隆十八年知

府朱若炳築隄知縣高植仍建橋故處嘉慶丁卯年合

邑重修

高植記郡治之南有湖圓徑約十餘里曰甘棠湖甘棠

思少室也李公渤治郡嘗築隄防潰通往來後人德之

故曰甘棠有橋界湖之中南北亘長隄而橋以通內外湖水水之橋下流者位於戍而內湖當府縣署之午位與小東門位寅方者互相參而形家以是爲攸利嘉靖癸亥兵備葛寅亮又別有見塞門改橋隄亦刻焉自是化邑科甲似減於昔士人以爲言三者請復其舊粵西桐莊朱郡憲王建隄隄集費而擎舉焉門亦啟建者費啟者亦費力旣屈矣非橋則內外舟楫不通且內湖春夏水漲無所洩湧於隄而噬之隄且不可保余竭蹶勦厥成焉僉曰洵善哉橋昔稱思賢思少室也李公不在

茲乎是宜仍舊名夫橋於隄功猶尋丈也無隄橋無所藉手少室故治郡朱郡伯之隄足媿美矣因承橋於隄而歸其名於今昔郡侯曰兩賢橋橋之竣後於隄者未匝月始事於乾隆十七年十月初十日訖十一月二十一日兩者俱告成焉勲事者卽今辦志事記姓名諸紳士其首事則王安國賀國泰邵德舒秉堦蔡邦俊鄒之儒羅占魁呈請者張問政熊士鼈張年時已逾八旬矣旣竣事逾二年余以推陞寓公所日大雨張扶杖泥塗投刺而固請見焉曰隄與橋恐久而圯也願以告新父

母繼長而增高俾勿壞詞懇懇殊可感吁張生且然况稱民父母哉以此思賢賢累兩而三且十百矣夫橋其小焉者也

浮橋在龍開河建自宋朝至明宏治間主事白士珍重建舊在小江岸南岸海天隄後襄陽孫敬移置上流以避水勢復行修葺又永編橋夫四名廩給之立亭其岸曰憇民亭正德間靖州宋以方復新及厰署遷於河東部司遂不葺橋萬厯初知府吳秀重修崇禎甲申左夢庚陷九江橋廢萬民病涉康熙六年邑民吳邦畿力募建

德化縣志

卷六

地理

津梁

三

復知府陳謙以舊額橋船十二隻德化瑞昌各造六隻橋夫四名德化瑞昌各給二名工食每名六兩又恐年久船朽議令小池口官牌夾寫船糧食二行每年各協修葺銀一十兩追付約黨修理至康熙十一年橋船朽壞知府江殷道查清捐修今廢

江殷道龍開河浮橋碑記龍開河在郡之西偏其源發於灤水至是而滙於江實德化瑞昌之通衢也古有浮橋中廢爲渡每當水涸土岸崩峭雨輒泥濘舟渡人馬多至陷溺明嘉靖間戶部主事岑萬創石爲隄未竣厥

工萬厯間知府吳秀創建浮橋造橋船十二設夫四名守之歲給食於化瑞兩邑船亦分修其半於是橋得永固行旅便之明季兵變橋燬復渡二十年來往來濟涉甚艱至

國朝康熙六年士民吳邦畿等目繫心傷各輸已貲謀復是橋請於前巡憲蔡諱協吉知府陳諱謙一時之官斯工者無不樂助以相其事仍訪舊制造船十二隻置鐵鏈數千餘舫設橋夫四名增建茶亭牌坊於兩岸爲寒暑憩息之所且使僧得常住其亭兼爲看守不令無知

德化縣志

卷六

地理

津梁

四

者肆其損傷誠盛舉也然而橋船歲有朽壞橋夫歲需工食費多出於民間之捐助因而日久廢弛壬子歲余奉命來守九江見橋將就傾詢得其始末如此夫古者歲十一月徒杠成十二月輿梁成而民不病涉則是橋之廢興皆守令之責也遂捐俸重加修葺橋船全復且竝商之兩邑令各遵昔年成例歲修橋船六隻給夫食二名其民間小池口官牌夾兩埠之寫船糧食二行舊例每年各捐助銀拾兩亦令照常交納協修永著爲令爰勒石以示不朽

使君橋在城西湓浦門外趙公祺建又名趙公橋

玉波橋在城西門外半里許元延祐七年建跨湓浦港上水連大江俗名花橋今塞

福臨橋在鈔關後今塞

景星橋今圯

永安橋今圯

仁貴鄉

白水橋在城東五里跨白水港上明正統九年邑人翁亮建成化十三年翁琦修宏治元年朱四重建國朝康

德化縣志

卷六

地理

津梁

五

熙三十三年戴三德修乾隆十六年眾姓重建

泥公橋在白水湖上

老鴉橋在城東二十里跨柘港湖南腦康熙三十五年戴三德建

西池橋在城東三十里崇德鋪之南今名陳通判橋

太平橋在陳通判橋之上

隔港橋在城東十五里東晉時建

朱橋在城東二十五里土名朱家社明宏治元年九江衛舍人楊朗建國朝雍正間知府蔡學灝詳請各

審

捐修道光年間重修

上朱橋在朱橋西南五里

下朱橋在朱橋東北里許

黃金橋在城東十二里

五里橋在城東五里咸豐八年駐軍挖濠橋毀同治五年  
關督俊達捐建

郭家橋在城東十里

孟家橋在城東十五里萬厯間建

渡口橋在墨汊湖口創建失考

德化縣志

卷六

地理

津梁

六

新橋在芳蘭湖口水洞扼往來姑塘之要創建已久嗣因  
港水不出故道同治二年移建跨港

九龍橋在周家嶺下

張家橋在馬祖山東北里許

范家橋在馬祖山南里許

林家橋在馬祖山下祈壇社側

廣信橋道光年間重修

夏家橋道光年間重修

遜嘉橋在夏家橋西里許遜嘉社側道光年建同治九年

重修

廖家橋在廣信橋東北咸豐年建一名飛鸞橋

高家橋在尹家湖同治十年建

盈科橋在姑塘白泉寺山下今圯

轉蓬橋在相公廟前

大橋在楊旂箔下首

通城橋在都天廟下首

青石橋在穆家壩今改名長溪橋洪都修安堂陳氏建修

甘泉鄉

德化縣志

卷六

地理 津梁

七

甘泉橋兵備道陸夢龍重建

陸夢龍甘泉橋記澗之水異諸水沙石奔莽竝經流行  
梁其上必闕其下圯則復闕夫有汾澮以流其惡晉之  
所以下興土也匡廬山旣宏峻多澗水或橋或圯春泛  
朝涉勿論畏老人而愁筮篲之婦沮洳底湫灌穢之弗  
宣比於人身榮壅而脉滯膚言之則環山而梁者以十  
數位置臚列若人之有口鼻耳目七竅若鳥之六翮鯉  
魚之三十六鱗缺一無以爲體與觀也余旣舉橋者二  
而僧某獨募建是橋結草菴其傍迎來送往奔走乞施

無風雨朝暮余每過之見其營營焉如有失而求之不獲也余始以爲余以官司之力經營鳩集時患不繼衲子子子一身材鳩窮瘠之鄉安所集事而僧辛苦刻勵銖銖而累之更歲餘竟成其費省於官十之七因以知事有始之而弗竟者弗問弗仕者也有費之而不足者弗躬弗親者也嗚呼其亦弗躬弗親而已矣橋初名通遠更今名則從其鄉也

狼溪橋在石耳峯下

藍橋在龍溪坂去縣治五十里上下有二明正德癸酉年

德化縣志

卷六

地理

津梁

八

九江衛人于壘建其上天啟元年左克勤重修宏治間士人陳濟建其下歷年久遠傾圮無存 國朝乾隆五年知縣景師毅生員黃鐘等合士民重建

石菴橋

湯家橋在城南五十五里向有石橋年分失考嘉慶二十二年廬山蛟水沖塌二十三年九江府朱榮德化縣鄒文炳督同圓通寺僧振西等重建勒石

大橋雍正五年吏員沈開文建

小橋



福星橋乾隆十四年陳思武募建

蔡家橋在城南六十二里嘉慶二十三年重修有記道光十九年春水漲發橋遂塌矣三十年德化縣鄭長斯通遠司吳祖庚生員湯兆飛復募建

汪家橋近圯黃有聲捐建

毛家橋南昌左衛人傅文建

梭子墩橋

于家橋貢生黃錫瓚兄弟捐建

文章橋

德化縣志

卷六

地理 津梁

九

通田橋上下有二監生劉維翰捐建

金官橋在城南四十五里向係板橋明萬歷年間官建石

橋後大雨暴漲蛟螭怒激橋遂圯焉 國朝乾隆五十

五年九江府達桑阿德化縣俞昌言諭令祖印庵僧月

山募化重建嘉慶二十二年廬山蛟水沖溢橋又塌焉

二十三年九江府朱榮德化縣鄒文炳重建

駱家橋在城南六十八里明萬歷年間欽差潘相之粵見

征人苦涉捐數百金創建名曰通便 國朝乾隆庚辰

年橋將傾顏士民糾眾補葺現存碑記嘉慶二十二年

蛟水冲塌九江府朱棣德化縣鄒文炳重建更名駱家橋詳在白鶴鄉廣濟橋碑內同治八年又圯德化縣陳堯諭令廩生曾學恕曾凝一等募建

李家橋在駱家堰下壩咸豐三年州同黃建周捐建

鳳凰橋羅隆藻捐修

白鶴鄉

太平橋在太平宮側跨廬山澗上通鶴問湖唐開元間建明成化初知府謝岐萬懋壬戌兵備道陸夢龍重建

通濟橋在盤塘坂明玄治三年九江衛陳銘建

德化縣志

卷六

地理

津梁

十

山口橋有二一在湯子社明宏治三年里民魏澄建 國朝道光十三年貢生羅豐瑄等復捐建一在虎踏石山口外西通瑞邑南達德安今圯未修

龍岡橋在張田坂明正德間邑人韋慶建

延平橋在丁田舖又名延賓橋

田家橋在白鶴洞上首陳姓復建

大堰橋在黃土鎮西

羅家橋在汪家坂

倪家橋在延賓橋西去二里

石板橋在泉水溝口通義門牌樓大路

王家橋在鶴問湖尾石橋一架兩頭隄壩約三四里爲古驛道近被水潰行人以舟濟經冬水渴僅現橋梁以內水汊均屬鶴問湖

錫五橋舊係石橋久圯今爲木橋南通吳鎮北通武穴

踏水橋仙白兩鄉交界

蔡家橋在蔡家壩上首

汪家橋

朱家橋

德化縣志

卷六

地理

津梁

七

虎溪橋有二一在東林路西數百步舊有碑亭後毀一在東林寺山門內爲晉慧遠送客處

沙河板橋屢被水冲行人病之近地居民於乾隆丁酉年捐建石橋需費千餘金有碑載樂輸姓名

土橋

錦澗橋在廬山麓通天池今圯

柳邦傑錦澗橋記廬山東南之勝在五老西北之勝在天池五老峯下有白鹿書院平行可通車馬惟天池寺結於絕山之巔猿徑鳥道梯壁嶙峋是澗也實當山麓

兩崖之間微雨稍稍瀑出衝縱行者未至已聞輕雷急鼓之聲矣初有橋成化間毒蛟乘雨而出橋因崩壞正德己卯江西甯賊亂王先生發兵擒獲獻俘南都返旆之日登遊茲所命住持僧圓喜重修焉喜因集募錢鳩工礫石結岸駕梁視舊度爲宏且緻是橋也兩岸皆崑崙廣礪阿嵐壁丹壑蒼樹煙蘿四時野花供眺猿嘯盈耳遊覽者如在錦屏中李白詩云屏風九疊雲錦張此卽古人以錦名澗之意橋工始於己卯越二歲辛巳秋告成其助工輸金帛者刻諸碑陰

德化縣志

卷六

地理

津梁

十一

廣濟橋在石門澗明萬厯間潘太監建去城三十五里國朝嘉慶二十二年蛟地知府朱榮知縣鄒文炳暨衆捐建勒碑

裴家橋土名琵琶橋

賽陽橋同裴家橋在石門澗明嘉靖間建 國朝乾隆三

十一年蛟毀伐木爲之隨修旋圯公私病甚嘉慶十九年知府方體礫石改建官民利賴之有雙橋記碑二十二年又爲蛟水毀之知府朱榮知縣鄒文炳重修與廣濟等七橋有七橋記高己求等捐輸姓名已列縣卷茲

不繁載

方體重建雙橋記廬山之陰山水之最勝者曰石門礮  
礮水上承將軍河天池山上霄峰之泉而會於龍潭遠  
公石門詩序所謂會三泉之水也雙峯對峙磐石橫踞  
其側陰崖峭壁蔽虧日月雨淋風激則澗澗鼓作之聲  
撼震山谷而雲峯葱峭巖壑娟秀若有仙人遨遊其上  
也又北則遠公石門精舍在焉今名文殊庵石門峙其  
東螺峯聳其南山巒變幻雲氣繚繞泉湑籟綠石圻樹  
青招隱遊僊斯其勝歟又折而東過橫雲嶺逕鐵船峯  
德化縣志 卷六 地理 津梁 十三

下折而西至報國寺礮水自鐵船峯南來如瀑布懸流  
如銀河倒瀉古木千章喬松十仞風水之聲殷於戶外  
余建茶山草堂於天池山下蓋全攬其勝矣又西錦繡  
谷諸泉水注之其水上會佛手巖九十九盤之泉逕錦  
礮橋而南又西大林寺諸山泉注之於是衆泉滙聚其  
流斯大至磚埕河分二支一逕賽陽橋一逕裴家橋西  
流由沙河入湖而達於江二橋會石門礮泉流之水而  
當西江七省之衝皇華驛使商販農民胥於此假道問  
津焉向建石橋二乾隆三十一年毀於蛟水其後伐木

爲梁以通行旅歲修歲圮官民皆受其累嘉慶十八年  
余建德化鄉新塘汎之華封橋工畢報國寺僧去凡化  
城寺僧朗鑑以修建二橋請余心誌之遂以華封橋之  
餘金八百兩助之又請於德化鄒大君藜齋捐金百兩  
不足又請於白鶴鄉之紳士鄉民醵金若干於是伐石  
於鉢盂峯下鳩材庀工七閱月而二橋成嗚呼二僧之  
用心可謂勤矣夫君子濟物之心無大無小無人無我  
要皆無所爲而爲而無福田利益之私見存於中故其  
爲功也易而其爲利也溥二橋當東南五劇之衢車馬

喧噴之聲日夜不絕春波秋漲夏潦冬冰傷載塗之雨  
雪感伐木之梁槎始嘆津筏之靡涯枉輿之普濟其功  
德豈淺鮮哉是役去凡朗鑑二僧之力居多其襄助也  
則鄉紳士李步鰲陳魁士之功爲最皆當書石以勸後  
之爲善者是爲記

采築重建潯陽驛七橋記潯陽帶水環山上控三巴下  
通五嶺由德化之白鶴鄉至甘泉鄉緣溪絕澗循繞廬  
阜驛路出其間飛流界道疊石成杠爲橋有七在白鶴  
者曰廣濟曰裴家曰賽陽在甘泉者曰金官坂曰湯家

曰蔡家曰駱家賽陽裴家二橋建自前守方茶山先生  
餘皆歷年久遠嘉慶二十一年余移守茲郡明年六月  
壬辰大風雨廬山蛟起水驟漲七橋俱圯郵傳阻滯商  
旅病涉計非錢四百餘萬不能復余方憂斯役之難成  
也旣而思廢興之理今昔若循環說者以爲或興或廢  
適當其時而不知所以廢興之者實存乎其人苟未嘗  
盡心而輒議之曰力有未能則廢者長廢伊誰之咎歟  
因進郡人而勸諭之而德化令鄒君藜齋復力成其事  
眾皆慨然樂助資用大備鳩工庀材越明年七月七橋  
俱成復以所羨修葺楚城鄉之青石橋亦落成焉夫德  
化以蕞爾邑地磽人貧無素封奇贏大賈而艱巨之工  
成之不日非守土者所逆及也吾於是知無不可感之  
民心無不可消之風俗孔子曰十室之邑必有忠信豈  
不信然哉豈不信然哉

張家橋

獨木橋今廢

廟下橋在隆教寺下首

舖後橋

德化縣志

卷六

地理

津梁

五

東林橋在樟樹寨

丁田大橋有十八磨古蹟

寺前橋今移隆教寺上首

道腦溝橋在五里湖中木橋一架

清泉橋坐清修寺右 國朝咸豐十年職員羅賓隆等捐  
建

黃金橋建自前明

邱家橋原修木橋屢被水沖坍咸豐三年監生涂昭祥捐  
費重修石橋

德化縣志

卷六

地理

津梁

十六

段家橋縣南三十里道光十八年生員蔡方來等勸捐重  
修更名利濟橋有碑

兩河口橋縣南二十七里上下有二屢被水沖坍道光二  
十五年諸職李露香等倡捐建立石橋同治五年監生  
汪金題等培修

婁公橋在柵嶺寨建自乾隆丙寅歲重修於同治乙丑年  
路通栗里水達濂溪

青株橋古驛道今王家塆北

祠堂橋在黃土鎮東



丁官橋在馬山南

高堰橋在花盤嶺北

黃梨橋在雞籠山西

椿樹橋在雞籠山南

古木橋在馬山西北

合堰橋在馬山腳

轉風橋在馬山上首

南昌鄉

泰安橋原名新橋道光二年蛟水冲圯本鄉熊尙濱張映

德化縣志

卷六

地理

津梁

十七

川張尙文王維憲等於道光八年倡捐重建

戴家山橋同治八年戴洪直等倡建係德化德安兩邑通

衢

凌家山橋同治年間凌永壽等倡修

黃公橋乾隆二年里民馮占魯重修道光二年蛟水冲圯

今只木橋

山溪橋去縣治九十里上下各一明景泰五年九江衛夏

永儉重建今只下溪橋一座係國朝嘉慶初年本鄉

羅秉萬等倡捐重建

砂子橋乾隆六年里民張于陞重修今亦被水沖僅存橋孔

會家橋在石門洞咸豐十一年舉人閔先冉等倡捐重修赤松鄉

安城橋明成化間里民何清建

益善橋康熙間李喬若建乾隆十五年李瑞南葉藹士重修

鶴西橋

楊家橋在焦溪港監生楊先蔚建

德化縣志

卷六

地理

津梁

六

張家橋今重修改名長架橋

徐家橋在趙伍

木湖橋

石橋原名普濟橋雍正間重建

田家橋今圯

洗心橋生員桂登鉅重建

知縣高植中秋前一日留宿詩淡月橫斜漾碧池一林  
疎影近東菑田間秋稼行將斂水面新蕖怯欲持懶臥  
漫驚村學早清緣長戀暮鐘遲居然謝屐逍遙日佳節

何嫌賦載馳

德化鄉

石塘橋在石塘舖明宏治四年九江衛舍人楊朗建後圯國朝順治十八年里民陳廷試重建

華封橋在城南十五里通濂溪港初名新橋經歷張汝翼建九江衛舍人楊朗重建兵備道陸夢龍改建安橋後圯乾隆十年生員桂登鉅重建知府秦勇均改名樂善橋嘉慶十九年知府方體重建改名華封橋勒石距橋里許兩壇塋有古楓一株相傳明時植

德化縣志

卷六

地理

津梁

九

陸夢龍安橋記橋始於何年圯於何年居人不知也猶歸然存其半砥春夏溪泛漲沒踝沒腰臂或不沒肩者一板漩急如怒水石圓礮無所措足前余行役人以首戴輿號呼亂流若索勦之戰水僅而獲涓况自余而下者乎太平宮橋成次及是橋以壬戌七月朔三日措泥深九尺餘下石鱗次築之木石工役之繕以若干計閱月告成橋峙太平宮之東太平宮橋峙共西十里而近若二虹之夾霄雨潦勢衰止矣車馬鱗鱗然行橋上行李樵農擔負舍涉而徒士大夫或謂余方柱石時從輿

上望之心喜爲予誦佛或言比以兩渡水汨其導騎因讓邑胥今而後安可知也况自士大夫而下者乎人不病涉馬不病溺邑不病讓獨橋也乎哉命之曰安橋橋費無所募余料其凡德化令蕭君上達竭歷經之工以不匱者令力也者民某董兩橋咸勤亦得附書銘曰有山嶽築水不可絕云胡不梁而苦徒涉有址有石土木金錫春插揭杵沙鞏波立

秦勇均樂善橋記潯郡城南十有五里爲濂溪港其水東出廬山之雙劍峯由龍門太乙觀而下其南則蓮花

峯之水過龍壩至石船河而竝會於港以紆折而入於江其勢層巒飛瀑瀉爲怒濤港實受之水石相激石皆圓滑難以駐足而其地又爲吳楚閩粵之通衢往來如織非有橋梁不能濟也考郡志舊有新橋明天啟中化令蕭上達改建安橋兵備陸夢龍爲之記記載新橋之興廢居人不知也自天啟迄今百有三十年安橋之頽廢亦久近地居民聚亂石於舊址而以木板覆之每歲當水漲石俱奔解木板隨流以去行者病涉輿馬至輿非衆力擎舉之不能過馬亦賴有引而挽之者以緩步

於急溜之中然且有意外虞臨流一望殊惴惴也桂生  
登鉅慨然以身任自丙寅冬捐貲庀材親董工役先厚  
培其基而環覆以石上下鱗次續以密前後縱廣寬且  
深閱歲落成坦然如履康莊向之過此而惴惴者皆欣  
欣然有喜色方橋之未築也桂生先於東林一帶修大  
道築水壩竝建沈心橋開費以千金居民之田疇廬墓  
及往來行旅皆利之余旣請獎於 方伯複製額以贈  
題曰樂善不倦桂生曰太守有以教我矣乃復爲是橋  
費亦幾及千金桂生之於善余固知其有真樂焉其不

倦也乃桂生中心之懿也豈必待余之獎勸而始樂爲  
此哉夫士苟存心於利物於物必有所濟力能濟而慷  
慨以濟者善也力不能濟而委曲以濟者亦善也卽無  
所濟於人而兢兢焉不敢爲陷溺乎人之事不敢存傾  
覆乎人之心則人與己共相安於善氣之中而善端之  
發榮滋長將日盛而月新久之而所濟實多也橋特濟  
人之顯者能以善濟亦安往而不濟耶橋成桂生請命  
之以名卽名之曰樂善且以勉吾郡士民之聞風興起  
而樂行其善者是爲記

万體重建華封橋記廬山之泉以百數其源遠而流長  
一者惟蓮溪港南源出蓮花峯下過龍壩金竹庵水注之  
又北至石船河東源水來會其水出廬山之雙劍峯由  
龍門太乙觀入河合流至團波山折而東逕濂溪書院  
宋儒周元公構書堂於其上愛其水清潔易以濂名濂  
溪故道州水名也又東由八里湖逕龍開河入江團波  
山下故有新橋明經歷張汝翼創建九江衛舍人楊朗  
重修之旋毀於蛟水天啟間德化令蕭上達重建改名  
安橋不旋踵而又毀乾隆十年德化學生員桂登鉅斲

以石改名樂善橋不知圯於何年其後架木爲梁歲修  
歲圯自天啟迄今二百餘年而石址無復存矣嘉慶九  
年余來守是邦每見夏秋之際天雨時行山溪暴漲杠  
輿漂蕩砮揭維艱鳩工則鄉民呼擾庀材則僧寺殘傷  
心竊憫之嘉慶十七年冬彭澤縣貢生李華滋請以三  
千金結善果緣維時余將有德化鎖江樓彭澤鏡子山  
工役繼而不果行遂以其捐金建是橋又以其餘金建  
賽陽裴家二橋未幾而是橋又壞蓋九江無橋工遂爲  
所誤乃募匠氏於徽州而請德化鄉之紳士夏公汝讚

萬公中掄人壽陸公廷松親董其役四閱月而大工始  
畢橋凡三洞長八丈八尺寬一丈五尺前後計用銀三  
千五百有奇因改名曰華封橋誌樂善也於是驛道如  
康莊矣夫君子苟存心於利物則於事必有所濟而其  
功必有所成蓋其心之精誠所結有確乎其不可拔者  
而一切利害成敗之見毫無所動於中迨其功之成則  
又浩乎與萬物同忘而不知其事之出於己也故鄭僑  
以乘輿濟人孟子譏其不知爲政陳侯之水澗不梁單  
子決其將有大咎是知橋梁道路之修廢匪特政治之

德化縣志

卷六

地理

津梁

三

所攸繫而亦官民休咎之所兆見也今之斯舉李公助  
其資夏公萬公竟其事余何敢貪天之功以爲己力爰  
誌其始末以泐於石後有善者其將有感於斯乎是爲  
記

金雞橋康熙間里民公建

濯纓橋在東城坂濂溪港右

斗米橋在譚家坂

墓道橋在濂溪墓前

清俸橋在九峯寺前乾隆九年九江關監督唐英建

聶家橋西達殷家坳東去姑塘嘉慶年間建成豐八年六月因蛟湧損復修

仙居鄉

址方橋在白茅山下跨石門澗

黃茂橋

眠龍橋明萬曆間陳情建 國朝乾隆十年眾姓重修

熊家橋

周家橋康熙間凌周二重建

楊家橋

德化縣志

卷六

地理

津梁

十四

城門橋

戴家橋乾隆十九年眾姓重建

馬家橋乾隆十九年眾姓重建

青雞橋雍正十三年眾姓重建

五截橋

郭家橋

楚城鄉

清石橋在菱田堡嘉慶二十二年蛟毀知府朱槩知縣鄒

文炳重建



白塔橋在黎姓屋側

許仙橋在菱田堡乾隆五十二年貢生吳宗耀庠生李屆  
遐黃廷珪等建

季家橋在赤泥港

小河橋在赤泥港

三河橋在三河口

廣源橋在熊家河咸豐十年庠生熊師楚等建

五方橋在排山壠

陸橋在排山壠

德化縣志

卷六

地理

津梁

三五

封郭洲

閔家橋離城四十里乾隆十五年眾姓重修

佛姆寺橋乾隆八年眾姓重修

花家溝橋乾隆四十二年重修

傅公橋乾隆六年重修

杜家湖口橋乾隆三十五年陳揚文等重修

灘湖橋乾隆七年眾姓重修

沙池口橋乾隆四十五年重修

如意橋嘉慶十五年眾捐重修改名乘船橋廖泰璿捐建

石梁

新河橋原名普渡橋馮姓仝眾重修

徐渡橋嘉慶十年重修廖泰璿捐建石梁

細新口橋距小池口通衢十里嘉慶五年郭代等募眾捐  
建二十一年余正宗捐修

余家河橋在梅化兩邑交界通衢距小池口十五里嘉慶  
己未年余正宗捐修

盧家下隔大溝口橋先年建有古木橋至道光十七年改  
建大石橋一座又西首細溝口有隄堦一段俱係往來

德化縣志

卷六

地理

津梁

庚

要路

永惠橋在封二楊泗寨牛路溝先年建

唵佛橋

何家橋

沉船橋

龍開河渡在通津鄉向有浮橋後廢歲編渡夫每水涸土  
岸崩峭雨輒泥瀉舟渡人馬多至陷溺明嘉靖十二年  
戶部主事岑萬創石堤十三年主事林梅郡守馬紀落  
成度東西兩岸深長下植木椿數千對發石級共長六

十餘丈寬二丈上平臺二隨舟往來抵泊渡者無患萬  
曆癸丑兵備道葛寅亮移水滸廟前亦廢

潯陽渡在通津鄉向編渡夫嘉慶十八年撫藩臬道知府  
捐廉除造辦紅船二隻外餘銀三千三百兩交省典商  
每月一分生息以爲募工歲修之費每船舵工一名水  
手三名每名月給工食銀二兩一錢口糧米三斗折銀  
五錢按季由府縣給文赴鹽道支領捐廉臬憲陳預有  
記改立岳師門外

老馬渡在通津鄉跨甘棠湖南

德化縣志

卷六

地理

津深

七

更家埠渡在赤松鄉

鶴間寨渡在白鶴鄉縣南十五里乾隆三十年士民捐輸  
置產贍渡修舟勒石

何家渡在白鶴西鄉去城三十里爲水道通衢

鼓灘渡在白鶴中鄉縣南二十五里諸職李露香倡捐造  
舟水涸仍搭木橋以濟行人

潘家渡在仙居鄉

劉家河渡在仙居鄉

木湖隄渡在仙居鄉

南湖嘴渡在仁貴鄉縣東五十里湖口縣歲編渡夫

羅家渡在桑落鄉歲編渡夫

柳州渡在桑落鄉

匯口渡在桑落鄉

八里江渡在桑落鄉

傅公渡在封一鄉

補遺

師古橋在甘泉東鄉二保聶占元葉飛雄葉白諧等同治

庚午年勸捐創建

德化縣志

卷六

地理

津梁

三

馮家橋在封一鄉

白蠟橋在仙居鄉余家坂下首

